

中興禮書續編

中興禮書續編第十九卷

嘉禮六

奉上太上皇帝太上皇后尊號冊寶六

德壽宮加上冊寶儀

其日俟大慶殿行發冊寶禮畢禮部率贊官于大慶殿門外捧擎冊寶進行儀仗鼓吹振作儀衛等以次行從太常博士太常卿舉冊舉寶官吏部禮部侍郎步導太傅侍中中書令步從至和寧門外太傅已下皆_主馬導

從

都大主贊官
往來照管

至德壽宮門外下馬步從步從至冊寶

幄次權行安設訖太傅已下權退歸幕次以俟行礼皇帝自殿後服雜袍乘輦出和寧門至德壽宮門次皇帝降輦入次簾降儀仗鼓吹儀衛等分列於德壽宮門

之內外樂正帥工人以次入皇太子文武百僚就次各服朝服前導官禮儀使閤門官太常博士禮直官分立於大次前之左右次輦者引押樂官常御協律郎入就位次御史臺閤門提點引文武百僚入就殿下東西相西相向立次閤門提點引皇太子到位西向立定禮直官輦者分引吏部禮部侍郎舉冊官舉寶官太常博士太常卿侍中中書令太傅俱詣冊寶幄次前隨地之宜立定引次舉冊官入幄播笏跪舉太上皇帝冊興禮直官引中書令播笏奉冊次引吏部侍郎押冊案次引舉寶官入幄播笏舉太上皇帝寶興禮直官引侍中中書令播笏奉寶次引禮部侍郎押寶案次引舉冊官入幄播笏跪舉太上皇后冊興吏部侍郎押冊案引次舉寶官

入帷措笏跪舉太上皇后宝興礼部侍郎押宝案礼直官太常博士太常御前導冊宝進行入殿門宮架作正安之樂太傅後從至殿西階下褥位置定樂止冊北宝南太傅已下各就位立定皇帝就大次服通冠絳紗袍次引閣門官礼部侍郎奏請中嚴少頃又奏外辦簾捲前導官前導皇帝出大次至德壽宮殿門殿中監跪進大圭礼儀使奉請執大圭皇帝執大圭將至小次礼儀使奏請釋大圭殿中監跪受大圭入小次簾降礼直官太常博士引礼儀使當次前俛伏跪奏礼儀使臣某言請皇帝恭行加上光堯壽圣憲天体道性仁誠德經武緯文紹業興統明謨盛烈太上皇帝寿圣齊明廣慈備德太上皇后尊號冊宝之礼奏訖俛伏興還侍立位宮

架作乾安之樂太上皇帝自宮服鞞袍出宮升御座殿

上簾捲樂止禁衛諸班直親從等自贊常起居前導應奏官等

管軍御帶理衛官並迎太上皇帝次簾捲皇帝出小

次前導官前導皇帝殿中監跪進大圭禮儀使奏請執

大圭皇帝執大圭前導官前導皇帝升自東階詣褥位

北向立禮儀司奏請拜皇帝再拜訖躬身奏聖躬萬福

訖禮儀使又奏請拜皇帝再拜訖前導皇帝詣太上皇

帝御座之東褥位西向立次閤門御史臺太常寺合引

皇太子已下橫行北向立定舍人揖皇太子已下躬身

典儀曰再拜內行事免應奉贊者承傳在位官皆再拜訖

且躬身班首不離位奏聖躬萬福訖典儀曰再拜贊者

承傳在位官皆再拜訖直身立分班東西相向立定次

引舉冊官詣太上皇帝冊案褥位前播笏跪舉冊興吏

部侍郎押冊案升西階

奉冊室行礼等官降階皆自西階

先詣太上皇

帝御座前褥位北向置定吏部侍郎少退稍西東向立

次礼直官太常博士引太傅播笏奉冊升宮架作圣安

之樂中書令從升礼直官太常博士引太常卿前導冊

升殿至殿上褥位北向跪以冊置于案樂止太常已下

各執笏興礼直官太常博士引太常卿降階復位立次

引太傅詣殿上前楹間北向立次引舉冊官播笏跪舉

冊次引中書令進當冊案之南北向播笏跪讀冊文讀

訖執笏俛伏興舉冊官奠冊舉冊興中書令播笏奉冊

次引吏部侍郎押冊案先詣太上皇帝御座之東褥位

北向置定礼部侍郎降階復位立次引中書令進冊於

太上皇帝御座之東褥位置冊于案訖中書令舉冊官各執笏興俱降階復位立次引太傅降階詣太上皇帝案之後立次引舉寶官搢笏跪舉寶蓋興禮部侍郎押寶案先詣太上皇帝御座前褥位北向置定禮部侍郎退稍西南向立次禮直官太常博士引太傅搢笏奉寶升宮架作圣安之樂侍中從升禮直官太常已下各太常卿前導寶升殿至殿上褥位北向跪以寶置于案樂止太傅已下各執笏興禮直官太常博士引太常卿降階復位立次引太傅詣殿上前樞閣北向立次引舉寶官搢笏跪舉寶次引侍中近當寶案之南北向搢笏伏興舉寶官奠寶舉寶興侍中搢笏奉寶次引禮部侍郎押寶案先詣太上皇帝御座之東褥位北向置定

禮部侍郎降階復位立次侍中進宝于太上皇帝御座
之東褥位置宝于案訖侍中舉宝官各執笏與俱降階
復位立次引太傅降階詣太上皇帝冊宝官進笏跪舉
舉宝官搢笏跪舉冊宝與中書令侍中搢笏奉冊宝吏
部禮部侍郎押冊宝案先詣太上皇帝御座之東褥位
北向置定禮直官太常博士引太傅從冊宝升殿宮架
作圣安之樂禮直官太常博士引太常卿前導冊宝升
殿詣太上皇帝御座之東褥位北向跪置冊宝于案訖
樂止中書令侍中舉冊宝官皆執笏與次引太傅侍中
中書令已下皆降階各歸本位立定初太上皇后冊宝
升殿禮直官引侍中升殿西詣詣殿上折檻稍東西向
立次禮直官太常博士引禮儀使門門官前導皇帝詣

太上皇帝御前褥位北向奏請拜皇帝再拜又奏請皇
帝俛伏跪致詞皇帝臣某稽首言伏惟光堯壽圣憲天
体道性仁誠德經武緯文紹業興統明謨盛烈太上皇
帝陛下丕衍壽祺申崇顯赫邦家大慶華夏騰歡俛伏
興又奏請拜皇帝再拜訖且躬身次引侍中詣太上皇
帝御座前躬承旨退于皇帝褥位前西向宣答曰光堯
堯本聖憲天体道性仁誠德經武緯文紹業興統明謨盛
烈太上皇帝圣旨皇帝寧親有道介壽無疆載衍尊榮
益昭欽愛訖侍中退詣折檻稍東西向立又奏請拜皇
帝再拜訖前導官前導前導皇帝詣太上皇之東褥
位西向立次閤門御史臺太常寺分引皇太子已下橫
行北向立定舍人揖皇太子已下躬身與儀曰再拜贊

者承傳在位官皆再拜訖舍人引皇太子出班到位俛伏跪文武百僚並躬身皇太子稱臣某等稽首言伏維光堯壽聖憲天体道性仁誠德經武緯文紹業興統明謨盛烈太上皇帝陛下衍登鴻算崇建尊名慶集皇家歡騰寰宇訖伏興引復位立舍人揖皇太子躬身典儀曰再拜贊者承傳在位官皆再拜訖直身播笏躬身三舞臨跪在膝三叩頭出笏就一拜又再拜訖且躬身次引侍中詣太上皇帝御座前躬承旨退詣柎檻前西向宣有制舍人揖皇太子已下再拜起且躬身俟侍中宣答曰光堯壽聖憲天体道性仁誠德經武緯文紹業興統明謨盛烈太上皇帝圣旨榮增丕號申輯閔休永介壽祺同孚邦慶訖退詣柎檻東西立皇太子已下拜典

儀曰再拜贊者承侍 在位官皆再拜訖直身措笏身
三舞蹈跪左膝三叩頭出笏就一拜又再拜訖直身立
次引侍中詣太上皇帝御座前佺伏跪奏稱侍中臣某
言禮畢奏訖伏興退復位前導官降殿東側階西向立
德壽殿上簾降太上皇帝降座宮架作乾安之樂還宮
樂止主當內侍捧太上皇帝冊宝入宮次主當內侍捧
太上皇后冊宝進行皇帝後從入宮行礼如別儀皇太
子并文武百僚以次退

中興禮書續編第二十卷

嘉禮七

奉上太上皇帝太上皇后尊號冊宝七

壽聖齊明廣慈備德太上皇后加上尊號冊宝儀

其日早德壽宮先設壽聖齊明廣慈備德太上皇后座于德壽宮本殿南向俟德壽殿恭行加上冊宝畢舉冊室内侍等播笏跪舉太上皇后冊宝進行宮架作正安之樂侍內前導皇帝後從冊宝入宮舉冊室内侍置冊宝于案樂止各執笏興都大主管官往來照管內侍前導皇帝詣太上皇帝座前褥位北向立侍引司言司言引尚宮引太上皇后出閣宮架作坤安之樂升座樂止

皇帝再拜訖躬身奏萬福訖又再拜退詣太上皇后座
之東褥位西向立舉冊內侍播笏跪舉冊興宮架作
安之樂次舉冊案內侍播笏舉冊案置于太上皇后座
前褥位北向置定執笏立內侍進冊于案樂止舉冊內
侍置笏興少立次引讀冊內侍北向立舉冊內侍播笏
跪舉冊讀冊內侍播笏跪讀冊訖舉冊內侍尊冊舉冊
并冊案退復位讀冊內侍執笏伏興退復位次舉寶
讀寶內侍舉寶奠寶等樂作樂止並如上儀訖退次前
導皇帝詣太上皇后座前褥位北向立尚宮奏請拜皇
帝再拜又奏請皇帝免伏跪致詞皇帝臣稽首言伏惟
壽聖齊明廣慈備德太上皇后殿下坤元博載天嘏駢
臻永奉慈皇並增丕號訖伏興又奏請再拜皇帝再拜

訖且躬身承旨內侍詣太上皇后座前躬身承旨退西
向宣答曰壽圣奇明廣慈備德太上皇后圣旨皇帝祇
奉庭闈慶登典冊載增懿號彌見勤誠訖又奉請拜皇
帝再拜訖退詣太上皇后座之東褥位西向立次內侍
詣太上皇后座前俛伏跪奏礼畢奏訖俛伏興太上皇
后降座宮架作坤安之樂入閣樂止皇帝退易祥袍以
俟出宮還內初皇帝于宮中行加上太上皇后尊號礼
畢德壽殿東街下引閣門官礼部郎中奏解嚴內侍官
轉進皇太子入宮賀太上皇后次御史臺閣門太常寺
引宰執率文武百僚詣德壽殿下稍西拜牋賀太上皇
后如拜表之儀訖退儀仗鼓吹儀衛以次退訖應從駕
臣僚免奏萬福以俟從駕還內

淳熙十二年十二月一日加上太上皇帝太上皇后尊
號冊章樂章曲 大慶殿發冊宝冊宝降殿宮架作大
呂宮正安之樂維天蓋高維地克承父尊母親天地難
名彊名廣大建號安榮行登壽嘏闡絳皇明 中書令
侍中奉太上皇帝冊宝太上皇后冊宝詣殿中當中南
向宮架作大呂宮正安之樂二儀同尊兩儀齊充魏
煌：丕顯亦彰實茂號榮玉振金相于萬斯年既壽且
昌 皇帝奉太上皇帝冊授太傅捧詣東階下奉宝并
奉太上皇后冊宝宮架作大呂宮禮安之樂我尊我親
承天之祉壽名兼美家國咸喜公傅秉礼宝冊有煒惟
千萬紀令問不已冊宝出宮宮架作大呂宮正安之樂
羽衛有嚴宝書有釋昭行尊名鋪張儀出其端闡由于

康達比屋延賡歌之舞之 德壽宮加上尊號冊宝行
禮冊宝入殿門宮架作大呂宮正安之樂南山之羣皇
壽無窮太極之尊皇民是崇奉茲宝冊于皇之宮皇則
受之於昭盛容 太上皇帝出宮升御座宮架作大呂
宮乾安之樂聖明太上天子有尊玉座高拱慈顏醉溫
宸襟嘉承朝并眎分盛禮緝典遂古未聞 太傅中書
令侍中奉太上皇帝冊升殿宮架作大呂宮正安之樂
天錫伊嘏地效其珍誕作宝典奉于尊親涵公涵相爾
恭涵寅協舉令儀通臻厥成 太上皇帝宝升殿宮架
作大呂宮正安之樂 太傅中書令侍中奉太上皇后
冊宝升殿宮架作大呂宮正安之樂坤載有元乾行是
順施生萬彙厥德彌盛翼仁母道贊我皇訓相維群公

奉典斯敬 太上皇帝降御座宮架作大呂宮乾安之
樂 加上太上皇后尊號冊寶皇帝從太上皇后冊寶
詣宮中宮架作大呂宮正安之樂大矣母慈德備且純
思古齊敬佐我皇文明章茂典金玉其音帝欽奉之以
翼心欽 太上皇后出世御座宮架作大呂宮坤安之
樂天相慈皇慶臻壺闈徽柔內修壽與天齊既承皇祇
載覲母儀懿典鴻名永綏多祺 內侍官舉太上皇后
冊寶詣讀冊寶位宮架作大呂宮聖安之樂有美英瑤
於昭祥金為策為章並著徽音德盛而尊備舉彌文億
載萬年永輔堯勳 太上皇后降御座宮架作大呂宮
坤安之樂 光堯壽聖憲天体道性仁誠德經武緯文
紹業興統明謨盛烈太上皇帝冊文

詳宗會要淳熙二十年

中興禮書續編第二十一卷

嘉禮八

奉上太上皇帝尊號冊寶禮畢慶壽一

淳熙十二年八月三日詔太上皇帝圣壽無疆來年八十邦家大慶載籍未聞可令有司討論典禮來上
八月六日禮部太常寺言今欲參照淳熙二年加上尊號及慶壽典禮討論施行詔恭依

十月二十七日禮部太常寺言十二月一日加上尊號冊寶所有將來行慶壽禮日辰乞敷奏取旨詔用元日
十一月八日禮部太常寺言元日車駕詣德壽宮慶壽係常服簪花用樂行礼合行事件令有司各行參酌條具申請施行詔依

十二月六日御史臺 元日車駕詣德壽宮行禮壽禮
其立班官文臣用應通直郎以上及行在見在寺監主
簿承務郎以上職事官趨赴于殿門內外通宜立班詔
依

十二月八日禮部太常寺言今欲酌條具到申請事件
下項 一今來慶壽行禮皇帝稱賀詞并太上皇帝宣
答詞乞令學士院修撰 一詣德壽宮行禮慶壽禮依
禮例是車駕往回並皆用樂 一行禮儀注乞令御史
閤門太常寺參酌修定申請 一行禮合差官令太常
寺具案日申中書省降勅差官 一所有合設大小次
乞令儀鸞司計會所屬釘設排辦 一行禮日和寧門
并北宮門及德壽宮門並比常日早一刻開 一行禮

日切慮至日戒雨或雪德壽宮門裏前次前至本宮殿
門合用露帳下臨安府同儀憲司絞縛排辦一所有
合用樂人依例令臨安府差撥祇應詔依

十二月九日礼部侍郎顏師魯等言伏覩淳熙二年礼
例行慶寿礼畢捧日賜御筵于貢院詔依用正月九日
同日又言恭奉詔旨元日行慶寿礼已准指揮常服簪
花用樂仗觀淳熙二年礼例是日皇帝自内服靴袍至
德壽宮大次簪花慶寿礼今乞依上件礼例施行詔依
十二月十三日詔恭奉太上皇帝圣旨今來慶寿應内
外文武臣僚進奉礼物并功德既香合等並免投進
同日祇應候庫言今來加上尊號慶寿合排辦花朵除
恭謝已經給賜人並令就用外未經給賜人候今降指

揮下日令文思院疾速製造準備給賜施行詔依

十二月十五日禮部侍郎顏師魯等言今有合申請下

項一俟慶壽禮畢皇帝皇太子入賀太上皇后如宮

中之禮吹宰執率文武百僚拜殿賀皇上皇后擇日宰

執率文武百僚詣文德殿拜表稱賀次移班稍東拜殿

稱賀皇后其前項合用表牋下禮部修撰一勘會每

歲正旦日皇帝率文武百僚詣德壽宮朝見太上皇帝

詣皇帝太上皇帝入宮朝見太上皇后如宮中之儀今

來用元日行禮壽禮乞是日俟慶壽禮畢皇帝皇太子

入賀太上皇帝太上皇后正旦禮如宮中之儀次宰執

率文武百僚拜表稱賀太上皇帝正旦禮畢退其合從

駕官並簪花從駕還內

其拜表立班官並云簪花立班

所有合用表下

禮部修撰詔依

同日太常寺言今具合差官下項受盃盞奉酒躬進皇帝之差左丞相復受盃盞之差右丞相承旨宣制之差樞密使奏礼畢乞差參知政事兼同知樞密院事殿中監以盃盞授左丞相并啓盞復受盃盞殿中少監以酒注于盃乞于侍從卿監內差官前導太常卿乞差本寺少卿贊引太常卿太常博士乞差本寺博士伏乞降勅差官施行詔依

十二月十六日詔太保、寧軍節度使魏國公致仕史浩趣赴慶壽立班特令使相班

十二月十七日御史臺閣門太常寺言今參酌條具到申請事件下項 一今來慶壽行禮日皇太子并從駕

文武百僚及應奉官禁衛等并德壽宮官並如常簪花

皇太子并從駕官禁衛 一文武百僚并應奉官司赴

德壽宮習儀令太常寺于行礼前期定日閱報所屬施

行依例作務休假 一是日皇太子文武百僚先赴大

慶殿立班稱賀正旦礼畢次使人入賀賜茶酒訖其從

駕官以俟常服簪花從駕詣德壽宮不係從駕官俟稱

賀立班訖並常服簪花先赴德壽宮門外迎駕奏圣躬

萬福如值雨或雷濕稍免仍于兩廊及殿門外隨立

班其應奉官等隨立升降應奉候行礼畢應合赴迎

駕起居官却赴逐幕吹去花常服以候迎駕奏圣躬萬

福今未加上尊号慶壽合排辦花朵除恭謝已經給賜

人並令就用外未給賜人令思文院疾速製造准備

給賜詔依

十二月十八日詔元日德壽宮慶壽後駕臣僚禁衛等
往回並簪花外所有諸百官司及人從等亦許令簪花
仍並依郊祀大禮畢恭謝條例施行

十二月二十二日閤門言元日車駕詣德壽宮行慶壽
礼立班武臣用應修武郎以上并見任保義郎以上并
三衛員僚立班詔依

同日幹辦內東門司黃邁言行慶壽礼畢用正月九日
于貢院賜御筵今參照乞並依天中聖節賜齊筵條例
施行今條具下項 一乞以賜慶壽礼畢御筵為名
一行移文字就用內東門司印記行使 一乞于見領
職局并內外官司吏臣人吏內指名權差七人充行遣

文字相兼祇應候事畢發遣 一乞于皇城司指名差親事官四人充投送文字祇應并至日差約禰親從五十人 一諸司二負乞差使臣陸彥瑞毛伯益 一乞于殿前司差殿侍勘酌下食托食天武約禰軍兵驅捧相撲人長入祇候 一所有合用羊肉乞令兩浙轉運司收買二百口使用 一所有合支散例物食錢乞令左藏東西庫無例供送及差合于專庫等同諸司官在彼支散 一所有御筵合用酒并陳設什物小樓席物及樂人左右軍祇應築球相撲百藝人并一行祇應節次諸色人乞令臨安添排辦施行 一所有合赴座官并祇應人花朵乞令工部下文思院造作祇應庫官吏在彼支散 一乞令兩浙轉運司檢計貢院屋宇疎漏

弄璋壁損壞去處詔依

十二月三十日內使張泳傳奉聖旨來年正月一日車駕詣德壽宮行慶壽禮進早膳應從駕臣僚逐幕次賜食畢從駕還內應有合行排辦事件疾速施行如值雨應從駕臣僚并儀衛等並許張雨具

淳熙十三年正月一日祇候庫言將來元日行慶壽禮宰臣親王使相百官等合簪花朵照得正月九日賜御筵于貢院赴座官等亦合簪花就用元日給賜花朵赴御筵挿戴施行照依初五月初九日並就用

正月二日禮部太常寺言元日行慶壽禮畢擇日宰執率文武百僚詣文德殿拜表後賀皇帝次移班稍東拜殿後賀皇后太史局選到正月四日癸未吉五月甲申

吉十五日甲午吉詔用正月四日

正月三日詔恭奉太上皇帝聖旨今來行慶壽禮畢所
有正月九日賜御筵于貢院依淳熙二年例免賜

中興禮書續編第二十二卷

嘉禮九

奉上太上皇帝尊號冊宝礼畢慶壽二

淳熙十三年正月一日宣慶壽赦曰門下圣人得寧親之道大四表之歡心君子推錫類之仁永萬年之景命朕懋遵丕訓詔闡令旨維慈皇德盛于中興肆上帝休申多于佑對昌期之烏奕登鴻算之延長且歸尊于父者子之誠若美報其上者下之誼做涓嘉旦祇謀弼文備文物典策之儀通敷于先藩蕃祉老壽之祝益迓于善祥載臨獻歲之元迺衍修齡之帙詔警蹕于嚴駕班會期于顯庭歡騰漢殿之呼敬協堯封之請荷神明之右序獲貺施之宣臻五福之曰壽康亶駢膺于備順億

載之為父母忻並奉于饗嘉春言比屋之民興播康衢
之頌逢熙聖運介美奉祺新日新而又新將結璣于懿
鑠老吾老以及老宜均賚于羣黎矧振古之難違實丕
天之大慶特超彝制用錫豐章可大赦天下應歷事太
上皇帝曾任執政侍從兩者官三銜及都統利可並轉
一官內年八十以上人轉兩官礙止法人依條回授仍
令州縣長吏致禮存問太上皇帝龍飛榜登第人各與
轉一官資碍止法人依條回授應文武官各加恩者並
與加恩應文武陞朝官禁軍都虞候以上藩方馬步
軍都指揮使祖父母父母已有官封者與加封祖父母
年七十以上及父母未有官封者並與官封京官選人
使臣校尉醫官祖父母父母年七十已下特與官封已

有官封者與官封得解進士并太學武學國子生上舍
內舍祖父母父母年七十已上外舍父母父母年八十
以上並與初品官及封号已經官封者祖父母父與轉
一官資祖母母與冠帔士庶男子年九十以上特與初
品官婦人與封号並經所屬自陳除陞朝官至都指揮
使外餘照應淳熙十二年十月二十八日指揮保明聞
京官年八十 十以上並與轉一官資碍止法人取
旨應文武官已致仕年七十以上人並特與轉行一官
選人循一資無資可轉人與改初等官京年八十人各
更與加轉一官資應轉太中大夫觀察使以上時許回
授應命官新歲年七十當磨勘者特與放行一資應文
武官校尉副尉下班祇應該遇今赦各理與當三年磨

勘選人比類施行碍止法人特許依條回授應選人使
 臣年七十以上願致仕者于合致仕官止與轉一官八
 十以上轉兩官應文武致仕陞朝官年七十已上並與
 依格支賜羊酒粟帛其年八十并曾仕太中大夫視察
 使以上仍與倍賜應見任并致仕陞朝官服緣大夫以
 上服緋涖事至今日以前及二十年歷任無贓濫若私
 罪徒以上情理稍輕者並許于所屬投狀磨勘改賜章
 服應見任陞朝官服緣大夫服緋致仕京朝官以上服
 綠服緋各及十年該令赦日年七十以上並與改賜章
 服內年八十并致仕官大夫以上雖未及十年亦與改
 賜南班宗室各得與轉一官應宗室文武官及宗婦宗
 女已有封号年七十以上可特與轉官加封年八十人

更加一等官封碍止法人依條回授應無官宗室見年七十以上可命姓所屬陳乞申大宗正司契勘詣宗保明以聞特與補承信郎仍添差嶽廟差遣一次就寄居州縣支破請給不為理吏部立定員額應宗女宗婦年七十以上未有封号者特與封号應行在紹興府及兩外宗司宗子宗女宗婦累降赦恩自十五歲以上各有添支孤遺錢未該今赦日年八十人可更特與添支應在外州軍宗子宗女宗婦見年七十人可與比附行在紹興府兩外宗司宗室添支錢未其年八十該淳熙二年慶赦恩已添支人可更特與添支令戶部坐則例行下所在州軍按月幫勘應命官引年致仕其間有人識過人而体力精强者令監司郡守于所部搜訪具名

以開當議量材任用應臨安府迎駕起居父老各合得
封賜外與倍賜帛應僧尼道士女冠年八十以上並與
紫衣已有紫衣者與 諸應文武臣官觀嶽廟任數已
滿依法不應再陳者該今赦年七十以上特更許陳乞
一次八十以上特許兩任應年七十以法不除監司郡
守如歷任曾有治績而精力尚強之人令三省取旨應
選人年七十以上法依不應注受仰長貳銓量將尚堪
釐務人與注殘零闕一次內四川二廣令逐路轉運司
結罪保明申部依此施行願就嶽廟聽於戲明 疏而
同三皇強厚方增之祀廣德教而加百姓務先博愛之
恩願通遐風被于休風在臺艾久需于潤澤合聲文之
交暢諒鼓舞之咸和尙服隆寬共彰榮治赦書日行五

百里敢以赦書事言者以其罪罪之。

慶壽行禮儀

陳設

前期儀鸞司陳設德壽宮殿門之內外設御座于殿上
當中南向設大次于德壽宮門內南向小次于殿東廊
西向設皇帝褥位二一于御座之東西向一于御座之
南北向高醞設御酒樽酒器于御座之東有司又設御
茶牀一御座之西稍俱北其日大慶殿朝賀畢垂拱殿
茶酒訖退依已降指揮從駕臣使殿後免奏萬福免謝
花并唐從駕應奉官禁衛等並簪花不係從
駕官往赴德壽宮並簪花以候駕
迎駕奏萬福謝花殿入內官唱排立皇
帝服靴袍出宮行門禁衛諸班親從等並迎駕奏萬福
自贊謝花兩拜皇帝升輦將至德壽宮文武百僚迎駕

奏萬福謝花兩拜訖前導太常卿閤門官太常博士禮
直官并管軍御帶環衛官等詣大次前分左右立文武
百僚入詣德壽殿下東西相向立俟皇帝至大次降贊
入次簾降簪花服靴袍閤門御史臺太常寺分引皇太
子已下應從駕官入詣德壽殿下東西向立大次簾捲
前導官前導皇帝入小次簾降前導太常卿閤門官太
常博士禮直官并管軍
御帶環衛官等俟太上皇帝出
宮迎太上皇帝四拜起注太上皇帝座捲簾鳴鞭
行門禁衛諸班親從等迎太上皇帝自贊常起居小次
簾捲前導官前導皇帝升殿東階詣上殿折檻前北向
褥位奏請拜皇帝再拜訖躬奏聖躬萬福訖又奏請拜
皇帝再拜訖前導皇帝詣太上皇帝御座之東褥位西
向立前導官于殿上隨地之宜立閤門御史臺太常寺

分引皇太子并文武百僚並橫行北向文舍人揖皇太子以下躬典儀曰拜贊者承傳在位官皆再拜揖笏舞蹈又再拜訖且躬身班首不離位奏聖躬萬福訖典儀曰拜贊者承傳在位官皆再拜訖直身立分東西相向立禮直官引奉盞蓋左丞相受盞蓋右丞相承旨宣荅樞密使并奏禮畢叅知政事兼同知樞密院事殿中監少監并殿東階奉盞蓋左丞相受盞蓋右丞相承旨宣荅樞密使并奏禮畢叅知政事兼同知樞密院事殿中監同知樞密院事詣折檻之東西向立舍人通樂人姓名已下四拜起居次看盡人稍前再拜兩拜贊上殿祇候內進御茶牀殿侍酌酒訖尚醞典御以盞蓋酒注授殿中監少監次禮直官引奉盞蓋左丞相詣酒樽所北向揖笏殿中監奉盞蓋右丞相左丞相奉盞蓋相奉盞蓋

西向立殿中監啟蓋殿中少監以酒注于盞奉盞盞左

丞相奉酒詣皇帝前南向禮直言引直受盞盞右丞相
詣太上皇帝御座前西向立

閣門御史臺太常寺分引皇太子并文武百僚橫行北

向立俟奏盞盞在丞相躬近皇帝皇帝奉酒前導官導

皇帝詣太上皇帝御座前躬進訖少後授盞盞右丞相

躬接訖復授奉盞盞左丞相前導官導皇帝詣御座前

褥位北向僂伏跪殿下皇太子并百僚並躬身皇帝致

詞曰皇帝臣僚稽首言壽衍慈宸礼行獻歲對天純嘏

弥承萬年慎与羣臣等不勝大慶謹于千萬歲壽伏興

奉請拜皇帝再拜典儀曰拜贊者承傳在位官皆再拜

訖直身立礼直官樞密使詣御座前稍東北立躬承旨

詣皇帝褥位之北西向立皇帝躬身殿下皇太子并百

倭並躬身極密使宣曰壽厄未上春頌維祺介福無疆
和家盛典與皇帝并百僚內外周慶宣答訖退復位奏
再拜皇帝再拜典儀曰拜贊者承傳在位官皆再拜訖
直身立分東西相向立前導官導皇帝詣御座東西向
立奉盞盞左丞相以盞南向躬進皇帝訖捧盞盞左丞
相復位立
皇帝捧盞詣御座東西向立樂作自太上皇帝飲酒訖
皇帝躬接盞樂止少後受盞盞右丞相躬接訖以授殿
中監以授尚禮典御各復位立闕門御史臺太常寺分
引皇太子并文武百僚橫行北向立前導官導皇帝詣
褥位北向奏請拜皇帝再拜典儀曰拜贊者承傳在位
西向立舍人揖皇太子以下躬典儀曰拜贊者承傳在
位官皆再拜揖笏舞蹈又再拜訖直身立內侍舉御茶

翰林直官引參知政事兼同知樞密院事詣御座前北
向伏跪奏具官臣某言禮畢後興退後位立典儀曰
拜贊者承傳在位官皆再拜訖直身立分東西相向立
次入贊樂人謝祇應兩拜訖太上皇帝駕興皇帝從入
宮文武百僚前導應奉官等權退俟皇帝皇太子入賀
太上皇后如宮中之禮宰執率文武百僚詣德壽殿下
稍東拜牋賀太上皇后訖次宰執再率文武百僚拜表
稱賀太上皇帝正旦禮畢退以俟駕興從駕官并應奉
官禁衛等並簪花從駕還內

中興禮書續編卷三十

嘉禮十七

皇太子議事堂

淳熙十四年十一月二日手詔皇太子可令參決庶務其合行事件令有司檢照古今典禮具以聞

禮部太常寺今具下項唐太宗實錄節文貞觀九年五月庚子高祖崩乙巳詔皇太子聽政丁未尚書左僕射房元齡與百僚詣闕上表曰伏見詔書陛下哀慕苦慮未遵遺詔乃以軍國衆事委皇太子百辟悚動萬姓憂惶伏願抑割哀情覽茲大計詔不允六月乙丑房元齡又上表詔曰机務切要實不為輕恐有虧發便當力疾聽覽自餘細務宜委承乾十年正月甲午太宗始聽政

初在諒闇唯決軍机及山林之後其餘庶政皆聽於皇太子大臣危懼中外陳請援引先旨迫于遺詔至是親政事國朝天禧四年事見會要緣為事体不同難以條具別無典故 礼官條具下項今未詔書皇太子參決庶務所見有延見去處欲乞于祥曦殿門外南壁侍班閣子令修内儀司修整設施遇有宰執延見參決事務欲乞用雙日相見之礼別無該載今檢照得有乾道七年討論太子詹事等逐日參見礼數見今侍從官答拜餘官立受今未宰執遇有延見參決事務欲乞皇太子秉笏而立宰執以事務遞呈畢接見宰執如詹事相見之儀所有五品上下除授及參決庶務別無該載于礼

部難以討論

前件事
并留中

十一月二十一日詔皇太子可陽日就議事堂參決庶務與宰執並公裳繫鞋相見議事如有差擢在內自寺監丞在外自守臣以下悉委皇太子與宰執同議除授訖以聞所有守臣除侍從外餘並權免上殿參詳并于議事堂納劄子擇其可施行者皇太子同宰執將上取旨

十一月二十九日詔已令修內司將內東門改修充議事堂于十二月初二日挂牌可令有司選日開議事堂十二月三日太史局言今供選開堂議事宜用十二月八日乙亥吉即與國音別無妨碍詔依

十二月八日三省行首司言開堂議事准皇太子宮門為患赤日見請朝假詔令太史局別行擇日

十二月九日閣門言契勘有合行事件下項 一今未
守臣除侍後外其餘守臣依已降指揮赴議事堂參解
候下到文字欲依都堂審察例閑送皇太子宮左右春
坊內合供脚色官依例閣門緣進一應在京合上殿官
如乞上殿依舊入進班次內殿引所有監司諸路釐務
總管鈐轄上殿詔依並依內監司諸路釐務總管副總
管鈐轄令內殿引

十二月二十四日太史局言開堂議事令別行捧日今
供選來年正月二日戊戌吉八日甲辰吉忌十日丙午
吉十三日己酉吉十九日乙卯吉二十日丙辰吉二十
六日壬戌吉即與國音別無妨礙詔用正月二日
十五年正月九日詔今後遇內殿坐皇太子令赴起居

侍立

宴餞舊弼

淳熙十二年年入召覲賜宴紹熙二年赴闕入見并朝

辭宴餞並倣此

按此條
書有闕文

淳熙十二年三月十五日詔史浩入謝都城外御筵及見畢對御賜宴可令有司照應典故施行

淳熙十七年儀臺司言史浩入謝都城御筵及見畢對御賜宴可令有司照應典故排辦施行契勘本司除未見得各令于是何處排辦別無体例照應外所有都城外御筵本司欲乞排樂棚一座及對御殿前絞縛三架山棧釘設上供設錦團桌幃獅蠻出香并後殿後排辦幄一所殿前樓隨宜排辦倚簷詔排辦垂拱殿玉津園

餘並依奏

三月十八日太保保寧軍節度使魏國公致仕史浩劄子奏准指揮史浩入謝都城外御筵及見畢對御賜宴臣竊惟國家典禮因人而舉文彥博以勲德兼備故有是命彥博尚且力辭得請臣竑何人敢當此禮伏望聖慈許賜寢免庶或少安愚分謹具劄子陳免以聞取進止詔見畢對御賜宴降詔不允餘依所請

三月二十日太保保寧軍節度使魏國公致仕史浩劄子奏臣伏奉詔書以臣乞賜寢免入謝都城外御筵及見畢對御使賜宴事其見畢對御賜宴所請宜不允餘依臣已于江津恭拜詔旨感戴之餘至于實涕惟是義難安受不免罄輸誠悃必愷矜後伏以臣今未入謝

竊窺聖意以其舊嘗承乏揆路今又冒處三公所以一切檢用元豐間文彥博入謝故事以示眷獎故所辭兩事止免效勞御筵而見日賜宴未蒙俞允臣亦不敢更以人材名德去彥博絕遠疊、冒開始撫事体言之彥博乃仁宗朝首相定策尊立英宗至神宗龍飛亦居翊戴之地而臣在紹興之末始備從官遭際聖時躡升近躬雖年運而往号為舊臣然資望比之彥博霄壤不同髮膚之外皆陛下所賜若偃然遂以彥博自處人其謂何欲望聖慈察臣出于肺腑誠切之懷非有偽飾持降處分并免見日賜宴庶幾議者謂臣雖衰老昏憤尚有識知而朝廷亦不失等差輕重之体則陛下所以幸臣者至矣臣不勝大願臣恭俟允旨方敢渡江臣無任祈

天請命激切屏營之至臣獲被而未踰伏江澣亦數日
咫尺魏闕深切望雲就日之心亟欲一覲清光奏叙謝
誠而歸止緣今未息禮太過義所難安是以趨趨不敢
遠前輒復冒刑誅伸此情素若陛下未賜詔寢免則臣
死不敢往伏乞聖慈哀憐而許之臣無任俯伏俟命之
至詔依已降詔不允不得再有陳請

四月二十五日詔史浩朝辭畢可令三省樞密院官宴
餞仰有司速排辦施行

同日太保保寧軍執節度使魏國公致治仕史浩荀子
奏臣輒控愚表仰干天造臣伏惟指揮史浩辭朝畢可
令三省樞密院官宴餞臣聞命戰慄無地自容伏緣臣
自遭逢真運蒙被異恩侍祕殿之清間霑御樽之餘滜

前後蓋非一矣何嘗敢有辭避惟今日宴餞之禮實稽
元豐故事正係國體臣之辭受陛下之從否皆當書之
史冊為萬世法且陛下以神祖待三朝舊弼之舉待臣
持出于優老念舊之厚意固為盛事臣盡力辭得請則
臣主俱榮若不自揆度遂安處此禮則是惟知貪冒無
復廉隅為有識者之所指諄豈不仰負陛下恩遇而深
累國體乎是以臣寧得罪謹不敢當此重禮也况上件
恩寬與郊勞對御賜事体一同伏望圣慈特賜寢免庶
竟終始矜後之恩予冒刑誅臣無任惶懼俯伏俟命之
至取進止詔特依所請

中興禮書續編第三十五卷

凶禮一

水思陵

連和

淳熙十四年十月五日詔太上皇帝聖體愆和祈禱天地差左丞相王淮右丞相周必大宗廟差知樞密院事施師點社稷差參知政事黃洽太一宮差參知政事兼同知樞密院事留正詔依

七日詔太上皇帝聖體愆和服藥未效如草澤有能治瘵得獲瘥安者白身除節度使有官人及願就文資者並與比附推恩外更賜錢十萬貫田五百頃三省可出榜曉諭徑赴德壽宮門外自陳仍劄下入內侍省差

內侍二員當一收接文字即時聞奏

同日詔太上皇帝未御常膳可依唐正觀四年典禮自來日權不視朝宰執依時赴內殿奏事俟太上皇帝康復依舊

同日詔門下朕仰惟太上皇帝惠心有孚聖壽無極比稍違於和豫今已遂於痊平宜推博愛之仁誕布如春之澤庶因祐助永底寧康可大赦天下詔書到之次日啓建祝聖壽道場五日仍禁屠宰務要嚴潔於戲韶業中興方享萬年之報因親大賚是均四海之歡咨爾臣民體予德意赦書日行五百里敢以赦前言者以其罪罪之

同日詔今月八日車駕詣德壽宮供侍湯藥更不還內

遺詔

淳熙十四年十月八日詔太上皇帝詔内外文武臣僚
吾以涼薄之質賴祖宗之靈宏濟艱難再造區夏履踐
大位歲星三終倦于憂勤昭昇嗣聖優游北宮之内饗
天下之養者二十有六年春秋幾于九齡康寧脩乎五
福從古及今全者能幾間以調虞失度抱疾弗瘳皇帝
屢勤鑿與躬侍葯膳純孝之至上通神明命乃在天莫
逃定數迨于茲日大漸惟幾付託得人吾復何憾太上
皇后宜改稱皇太后皇帝成服三日聽政喪紀以日易
月羣臣更加開釋勿致摧傷百官入臨並隨地之宜諸
道州府長史以下三日釋服在京禁音樂百日在外一
月無禁祠祀嫁娶沿邊不用舉哀山陵制度務從儉約

諸不在誥中者並取皇帝處分更賴文武臣僚翊扶庶政益開興緒永底平丕平故茲遺詔想宜知悉

同日詔差劉慶祖霍汝弼楊皓夏入中允行宮使

同日又詔差吳回龍霽充都太主管大内公事

同日詔大内并行宮宿衛及往來彈壓巡檢官兵令皇城司禁衛所殿步司日下差撥具職位人數申三省樞密院

同日禮部太常寺言大行太上皇帝升遐宣遺詔其日文武百僚常服黑帶去金玉飾入詣殿下立班定禮直官引班首出班於班前東向立搢笏宣遺詔訖歸位並哭一十五音再拜移班稍東立班首稍前躬身數詞奉慰皇太后次奉慰皇帝皇后歸位各再拜訖退以俟

曠臨文武百官并詣殿下立班再拜訖禮官引班首詣

香案前揖笏三上香出笏歸位舉哭一十五音訖再拜

訖退班

以後朝禮殿并如上
後其香傑本殿排辦詔依

同日詔劉慶祖差充都大主管大行太上皇帝喪事

同日詔恭奉皇太后聖旨已差劉慶祖充都大主管大

行太上皇帝喪事宜更差一員差甘昇

同日詔甘昇已差充都大主管大行太上皇帝喪事可

令疾速入國門

九日詔大行太上皇帝升遐提點事務差張宗尹提點

支費差鄧從訓承受差梁彬應副事務張聿修主管一

行事務差李唐卿符思永主管諸司差老世榮楊純主

管支費差朱思正宋暎催促照管事務差李琪受納帑

贈并燒獻差高思聰董友聞主管引押僧道兼辦裁提
舉燈火守把幕帳門差王謙黃安榮董紹祖管香火兼
呼索內人酒食差黃安義黃淵于忠信主管傳寫御容
差黃鑑

十日詔大行太上皇帝喪事提點支費下差鄧世脩充
承受奏報文字

十一日詔大行太上皇帝升遐續差下項提點支費李
十一日詔大行太上皇帝升遐裕文霍正夫主管諸司
何弼

同日詔大行太上皇帝升遐主管梓宮前并回程几筵
等一行事務並專一提點應干職事差王寔盧安仁甘
宗茂劉興祖闕禮王公昌程輔之霍汝翼

宋要會十月
二十一日詔

新散大天權禮部侍郎顏師魯殿制請大夫試戶部尚
書清源郡開國侯食邑一千戶食實封一百戶賜紫金
魚帶充大行太上皇帝遺闕禮使武其師前發達
野昭軍高震穀福州觀家使知閩門軍事兼客省四方館
事安福進開國伯
食邑七百戶別之

十三日詔門下王者丕揚孝道稽古聖之格言尊奉母
儀憲累朝之茂典蓋所以廣思齊之化崇內治之風矧
祇迪於遺謨俾率循于大下敢當昧旦亟正鴻名壽聖
齊名廣慈備德太上皇帝順則乾元章明坤載右我昭
考周旋五紀之間拊予冲人紹承四海之重至德光乎
媯汭仁恩播于周京徽稱之崇慈闈有耀謹上尊號曰
皇太后合行典禮令有司檢詳典故以聞故茲詔示想
宜知悉

十四日詔大行太上皇帝山陵當遵遺誥務從儉約凡

脩營百費並從內庫支降如或不足即以封樁錢物貼
支免侵用經常之費諸路監司州府軍監等止進慰表
其餘禮物並令免進仍不得以助進奉橫宮為名有所
貢獻

中興禮書續編第三十六卷

凶禮二

永思陵二

赴臨

淳熙十四年十月八日禮部太常寺言檢會祖宗累朝舊制喪服以日易月二十七日而除行在除升朝官以上及職事官合赴朝晡臨諸軍統制統領官竊慮有妨管幹軍馬欲乞許免入臨就寨掛服其餘將副并部隊將管隊使臣并散使臣陞朝官以上及將校副指揮使以上常服哭于本營三日而止其常服朝殿祇應排立行門禁衛班直將校副指揮以上並御前忠佐俟百官赴臨即哭於殿門外在外州縣長吏以下成服朝晡三

日而除沿邊不用舉哀應士庶婚嫁除服外不禁欲乞
依上典故施行詔依

同日又言今檢照國朝故事下項 一今臨安府城裏

外告報諸守院聲鐘共一十五萬杵施行 一宣遺詔

訖發哀是日至晡百官入臨自是文武百僚朝晡於宮

廷內外至小祥自小祥後至禫祭朝一臨自是每七日

一朝臨四十九日而止 一禫除後山陵前每遇朔望

群臣並入臨臨上朝進名奉慰自是凡進名奉慰皇帝于西上闕門皇太后于內東

門 一成服日大小禫朔望百官奉慰進并名奉慰皇

太后及成服日大小祥禫進名奉慰皇后 一今來欲

乞並依上件故事施行詔依

十一日禮部太常寺言今來百官朝晡臨如遇值雨或

露濕依禮例權免入臨詔依

同日皇弟少傅靜江軍節度使充醴泉觀使恩平郡王
璩言輒瀝血誠上干洪造伏念臣自幼恭蒙陛下愛隆
手足訓獎提携承恩被寵以至於今捐糜曷報臣茲者
恭聞太上皇帝風馭上賓哀纏率土臣欲恭詣行在所
隨班赴臨未敢前進伏望聖慈特賜俞允臣不勝震懼
俟命之至詔依

同日少保安德軍節度使充萬壽觀使滎陽郡王趙伯
圭言不避誅斥輒擅哀誠冒陳淵聽臣恭聞太上皇帝
厭世升遐群心哀痛況臣猥叨近屬受國大恩號慕無
從尤切傷悼臣屬居外祠欲躬詣闕廷隨班赴臨陳懇
未敢前進恭聽處分詔依

同日詔辰日不得忌哭十六日浙西提刑趙子濛浙西
提舉羅點言十月初十日伏拜太上行太上皇帝遺詔凡
在臣子舉極推痛子濛等於今月十一日已就平江府
舉哀誠服訖緣子濛等係是畿內監司逐年恭准元降
指揮趙赴天申聖節立班今年未審合與不合與本路
轉運司同班入臨子濛等見在城外听候指揮詔許入
臨

二十一日大行太上皇帝喪事都大主管所言據主管
一行事務申將來六七合終七依故例係太常寺會到
於禮例別無妨礙照得今來六七未審合與不合合終
七檢準昨紹興七年二十九年已降指揮就六七合終
七了當所有今來大行太上皇帝升遐照應前後體例

指揮就六七合終七即無妨礙詔依

二十二日禮部言准批下皇叔故和王女感義郡主趙氏狀係徽宗皇帝親孫女昨於紹興間隨從顯仁皇后自北地還朝得旨嫁武翼郎閤門宣贊舍人李思文後至顯仁皇后上仙蒙宣召入殿赴赴哀臨今來恭審大行太上皇帝升遐况氏正係大行太上皇帝親侄女理合詣德壽宮赴赴哀臨緣氏自來無承傳奏報之人是致未能入宮竊恐未便理宜陳乞伏望特敷奏令氏入宮赴赴哀臨仍乞檢照顯仁皇后上仙體例施行以盡近屬之禮後批送部勘當申尚書省尋下太常寺勘當今來趙州所稱顯皇后上仙宣召入殿赴赴哀臨當時即不曾經由本寺亦曾承准諸處官司報到許入臨指

揮伏乞省部備申朝廷取旨施行詔許入臨

十二月二日禮部太常寺言今檢會紹興七年徽宗皇帝百日典故是日不御殿及百官几筵殿入臨奉慰所有將來大行太上皇帝百日尋會到太史局申稱來年正月十八日係百日今參酌合行申請事件下項 一 正月十八日百日欲乞是日車駕詣德壽宮大行太上皇帝梓宮前行燒香禮如宮中之儀 一是日宰臣率文武百僚請德壽殿入臨次移班進名奉慰皇太后皇帝皇后詔依

十五年正月十七日敕文閣直學士提舉隆興府玉隆萬壽宮韓彥直言先准省劄秦國太夫人茆氏奏乞令男彥直歸家侍養奉聖旨依所乞彥直已入國門歸私

家侍養且申尚書省照會訖竊緣今月十八日恭遇大
行太上皇帝百日照得彥直雖係外祠緣係被旨國
門之內又嘗叨塵從列受國厚恩欲望朝廷特賜伏奏
許彥直入臨少伸臣子哀痛隕越之情詔依

二月一日禮部太常寺言勘會三月五日神宗皇帝忌
十五日明德皇后忌文武百僚並合起赴景靈宮行香
所有三月五日並十五日車駕詣德壽宮大行太上皇
帝梓宮前燒香及三月十五日百僚入臨奉慰其逐日
項分即與忌辰相妨詔燒香日分改用六月十六日

中興禮書續編第三十七卷

凶禮三

永思陵三

停祀

淳熙十四年十月八日禮部太常寺言今檢照國朝典
故條具下項 一自舉哀至祔廟停 宗廟祭饗并中
小祠 一所有今來孟冬朝獻乞依典故權停詔依
十一日禮部太常寺言今具下項 一依故例龍圖等
閣祖宗神御殿權停節序旦望帝后生忌辰酌獻過大
祥依舊 一勘會十月二十日太祖皇帝忌同日慈聖
光獻皇后忌係在今來大行太上皇帝以日易月服制
之內百官難以趲赴行香依禮例權停詔依

二十一日龍圖天章寶文顯謨殿獻數文閣言近準指
揮龍圖等閣祖宗神御殿權停節序旦望帝后生忌辰
酌獻過大祥依舊本閣除已奏聞外尋聞太常寺會大
行太上皇帝大祥日分係以日易月為大祥已後依舊
酌獻詔依

十一月十一日禮部太常寺言勘會今來十二月七日
僖祖皇帝忌同日孝明皇后忌係在大行太上皇帝以
日易月百官釋服之外其上件忌辰行香日分百官合
行赴^赴詔依

二十日禮部太常寺言準批送下萬壽觀申昨準紹興
二十六年十一月一日指揮依在京日建置皇帝本命
純福殿所有太上皇帝丁亥本命相屬一座并本命星

官一位牌一十一座係在本殿一處崇奉今來大行太
上皇帝升遐其本命相屬并星官位牌本觀尋移文太
常寺論討承報於典故別無該載所有大行太上皇帝
本命位牌今來合行權住香火本觀除已權住香火外
所有丁亥相屬并星官位牌乞下禮部太常寺詳酌施
行又太乙宮狀契勘本宮介福係專一崇奉丁亥見生
星斗君丁亥本命真官丁亥元辰星官香火今來大行
太上皇帝升殿所有本殿日常兩朝香火及日後合與
不合崇奉乞令太常寺討論於典故別無該載所有大
行太上皇帝本命星斗君真君官等崇奉香火合來合
行權住本宮契堪介福殿內有崇奉丁亥本命聖像三
位并大行太上皇帝御書介福殿牌一面今來合與不

合徽除聖位并殿牌乞備申尚書省詳酌行下後批送禮部太常寺勘當檢照禮經及典故別無該載今勘當欲乞欲介福殿牌徽於本殿內收奉其太乙宮丁亥本命聖像及萬壽觀本命相屬并星官位牌亦乞各於本殿收奉並住香火觀詔依

十三日禮部太常寺言勘會來年孟春朝獻景靈宮緣係在大行太上皇帝服制之內及未祔廟見停宗廟之祭欲依今年孟冬禮例權停詔依

禁樂

淳熙十四年十月八日禮部太常寺言今檢照國朝典故條具下項 一內外品官禁樂二十七月京城內外民庶等自舉哀至祔廟合行禁樂 一舉哀日欲令諸

路州縣管內寺觀自闕報到日修建道場七晝夜仍令
諸州縣禁屠宰三日民庶等禁樂百日沿邊軍中及在
內諸軍軍行教閱不禁詔依

十一日樂部太常寺言檢照典故未祔廟前每遇大祠
奏告等行事官權改吉服禮畢如故及用樂去處備而
不作祔廟畢如故所有今來大行太上皇帝未祔廟前
如遇大祠奏告等行事權易吉服及樂備而不作欲乞
並依上件典故施行詔依

十二月二日禮部太常寺言檢會紹興七年徽宗皇帝
百日典故諸路禁屠宰并民庶禁樂所有來年正月十
八日大行太上皇帝百日欲乞依禮例行在禁屠宰三
日係前後各一日諸路民庶禁樂并禁屠宰一日候指

揮下日令都進奏院遍牒施行詔依

十五年正月九日詔昨禮官條具典故大行太上皇帝未祔廟前臨安府城內外合行禁樂可令諸路州縣準此

四月二十二日禮部太常寺言準批下臨安府狀本府準都省劄子備奉聖旨昨禮官條具典故大行太上皇帝未祔廟前臨安府城內外合行禁樂可令諸路州縣準此本府已恭稟聖旨指揮施行外照得今月二十日高宗聖神文武憲孝皇帝祔廟民間開樂更合取自朝廷指揮後批送禮部太常寺勘當欲乞依紹興二十九年禮例合候百官純吉服日行在方許依舊開樂詔依七月五日禮部太常寺言今將來十月八日高宗聖神

武文憲孝皇帝小祥依禮例詣路州軍縣鎮民庶禁樂
七日合自十月五日至十一日照得高宗皇帝祔廟之
後皇帝見服布素百官未純吉服其臨安府城內外未
曾開樂其諸州軍縣鎮竊恐亦未敢用樂不必別設禁
樂日限詔依

十六年六月三日禮部太常寺言將來十月八日高宗
聖神武文憲孝皇帝大祥檢照典禮諸路州府軍監縣
鎮合禁樂七日今來緣未曾開樂不必別設禁樂日限
詔依

十一月二十五日禮部太常寺言今具下項 一國朝
典故祔廟畢民庶開樂昨降指揮高宗皇帝祔廟畢民
間合候百官純吉服日方許開樂今來宰執并百僚自

二月二日并已純吉服 一恭親至尊壽皇聖帝躬行
三年之喪係於十二月十七日行禫祭禮至三十日除
禫皇帝亦未舉樂即與國朝典故事體不同所有民庶
開樂今欲乞十二月十七日禫祭行禮畢自十二月十
八日民庶開樂詔依

梓宮

淳熙十四年十月八日詔差張聿修充造大行太上皇
帝梓宮官

十一日喪事都大主管所言據修內司提轄張聿修申
今參照合用天盤囊網籠帳罩子香葯麻灰等條首先
要用之物依故例所在州軍應副竊慮有司遲延除沙
柏槩已承處分令修內司先用柏木相接造作外餘並

令乞本司收買應副詔依

十五年正月十七日兵部尚書兼樞禮部尚書宇文价等言臣等聞在禮天子棺四重水兕革棺一柩棺一梓棺二又有棺凡五重焉仰惟大行太上皇帝梓宮雖曰權窆會稽以俟異日遷奉其窆與大葬無殊今山陵以攢為名視祖宗舊典已是節省聞皇堂之內止作石藏奉安梓宮不復柩椁檢紹興十二年迎護徽宗皇帝梓宮令禮儀使製造椁用沙板將來大行太上皇帝梓宮發引欲乞依典禮令應副事務官相度梓宮高濶長短先期計置俟皇堂時前安設於皇堂內以俟進梓宮其天盤綦網俟進梓宮於槨內畢仍於椁上安設庶合典禮有以仰副陛下謹終嚴奉之意不勝幸甚詔令有司

九日都大主管喪事所言據判太史局吳澤等狀選定
大殮立銘旌收髮掛服立重宜用十月十一日戊寅吉
大殮立銘旌時宜用其日卯時八刻乙時收髮掛服立
重時宜用其日午時八刻丁時詔依

同日禮部太常寺言今具下項 一檢照乾興元年典
故大殮前延慶殿陳生平服玩及珠襦玉匣含襚應入
梓宮之物今來大殮欲乞依上件典故施行 一合立
銘旌高九尺書大行光壽堯聖憲天休道性仁誠德經
武緯文紹業興統明謨威烈太上皇帝梓宮及合立重
并令太史局下文思院疾速製造 一大殮時前合行
祭告係令都大主管喪事官行禮令欲乞依典故施行
一大殮畢宰執率文武百僚奉慰皇太后皇帝皇后

一儀注其日俟排辦訖大殮時前都大主管喪事官詣香案前北向再拜訖搢笏三上香跪執盞酌茶三奠酒執笏俛伏興少立俟陰陽官讀祝文訖請再拜訖俟大殮一合用祝文一首

此以爲大行太上皇帝大殮時前奏告之意

一合排

辦供養茶酒果祭食香餅香案香爐匙合上香炭火燎草拜褥等條諸司排辦詔依

十二日工部言據將作監申據文思院上下界申契勘逐院承準指揮製造大行太上皇帝升遐合用入殮神煞喪服及將來合造大昇輦龍輜車哀謚用寶法物并一行凶器應干生活等若候禮局申請許行製造指揮行下旋行開具申請委是遲誤今照應昨紹興二十九年及乾道三年申請畫一體例開具合行申請下項

一將來所造實用大昇舉等法物工續浩大全稽手高
次第人匠連夜併工修製比之常程造作不同欲從紹
興十二年二十九年及乾道三年已造體例于逐院見
今等第工錢每等各工添支食錢三百文其官工作家
亦乞照例日支錢二百文才候造作生活畢工日住支
其上件工錢並乞令提轄監官當所監視支散 一將
來製造哀謚冊寶并大昇舉龍輜車等法物都是法式
內不曾該載難以比類計料兼係是崇奉之物事體至
重若次第經由省監行下所屬支買委是妨闕遲延今
欲從例約度將合用工物數內真玉七寶候指揮下日
將合用玉材七寶先次請降所是雇工錢每五百貫一
料併料以會子應副候支使將欲盡絕接續闕支并左

藏庫有管物料并從逐院徑申戶部直帖行下先次支借所有其餘闕少物料木植等欲乞從例專委臨安府通判一員從逐院開具合用數目供申省部行下火急救買供納應副使用仍乞令臨安府照例差獄子四人赴院承受投下文字催促使喚其物料價錢令所委官續行估定寔直開具錢數徑申戶部日下直帖支給付通判所交還施行其文思院所用工物候修製了畢亦從逐院將用過數目開具徑申戶部出器如有少數即乞貼支若有剩數却行回納一契勘昨紹興二十九年并乾道三年製造大昇舉當等了當係承指揮令文思院將所造大昇舉般擎前來就近側空地上籠套閃試其合用露屋令臨安府就近措置搭蓋有所今來修

製大昇舉等亦乞依此施行 一依禮例合行修製哀
謚用寶并大昇舉龍輜車等欲乞從例下太常寺專差
知次第禮直官一名赴院及件作行頭不妨本役往來
赴院指說樣制色額造施行庶合典禮 一將來合用
擡擎竿杖等所用貼竹筋膠欲乞照例下浙西安撫使
回易庫照數收買應副造作施行詔依